

ochrearum vestigiis obtectis continui, foliis longiores, patentibus, rectiusculi, densiflori, rachi bracteisque ovatis unifloris pubescentibus. Flores polygami sessiles, ochreola campanulata puberula involucrati, perianthii tubo ovato lobisque brevibus pubescentibus. Fructus....

Juxta *Bahia* oppidum in Brasilia orientali provenit. — V. S., Herb. Lessert. (Blanchet, *pl. exs.*, n° 4494).

### 17. COCCOLOBA FASCICULATA †.

**FRUTEX** scandens, ramis elongatis cylindricis, epidermide grisea vestitis lenticellisque crebris notatis. **FOLIA** oblongo-obovata. subfasciculata, 8-10 cm. longa, 4-5 cm. lata, obtusissima, basi attenuata cordataque, coriacea, glaberrima; petiolo brevissimo. **OCHREÆ** breves ad basin ramulorum dense imbricatae. **RACEMI** solitarii ramulis foliigeris continui, rectiusculi, foliis longiores, rachi crassiuscula, striata, tenuissime puberula bracteisque brevissimis bi-trifloris. Flores polygami, breviter pedicellati, exserti, ochreolis parum conspicuis; perianthii tubo puberulo; lobis florum marum sub anthesi patentibus, staminibus exsertis. Fructus....

Crescit in provincia Bahiense Brasiliæ. — V. S., Herb. Lessert (Blanchet, *pl. exs.*, n° 796).

### 18. COCCOLOBA ILHEENSIS †.

**FRUTEX** scandens? ramis cylindricis, striatis, glabris, cinerascentibus. **FOLIA** late ovata, 8-12 cm. et ultra longa, 5-10 cm. lata, breviter acuminata, basi cordata, membranacea, glabra, venis exilibus; petiolo 10-15 mm. longo. **OCHREÆ** membranaceæ, margine subscariosæ, horizontaliter aut oblique truncatae, diu persistentes. **RACEMI** solitarii ramulis lateralibus ochreis vestitis continui, folia subæquantes iisve longiores, graciles, flexuosi; bracteis minimis subunifloris. **FLORES** in pedicellis brevibus ochreolis laceris vaginatis; perianthii tubo brevissimo, lobis ovatis patentibus; staminibus longe exsertis. **FRUCTUS**....

Crescit juxta Ilheos in provincia *Bahia* Brasiliæ maritimæ.—V. S., Herb. Mus. Par. (Martius, *Herb. Flor. Bras.*, n° 1240).

### 19. COCCOLOBA RAMOSISSIMA †.

**FRUTEX** ramis brevibus, cylindricis, divaricatis, cortice albicanti tectis, geniculis nodosis; ramulis striatis, sublente puberulis. **FOLIA** late ovato-elliptica, 4-8 cm. longa, 4-6 cm. lata, obtusissima, basi rotundata aut subcordata, rigida, glaberrima; venis primariis vix prominulis; petiolo